## БОҒОТ ТУМАНЛАРАРО ИҚТИСОДИЙ СУДИНИНГ АЖРИМИ

(даъво аризани кўрмасдан қолдириш тўғрисида)

Боғот тумани

2024 йил 16 май

Боғоот туманлараро иқтисодий судининг судьяси А.Н.Турақулов раислигида, судъя ёрдамчиси У.Зариповнинг котиблигида, Хива туман фермер деҳқон ҳўжаликлари ва томорқа ер эгаллари Кенгашининг даъвогар — Хива туман "Хива Абдрим Собиров" фермер ҳўжалиги манфаатида, жавобгар — "KHIVA CLAUSTER" маъсулияти чекланган жамияти ҳисобидан 316 470 712 сўм асосий қарз, 75.952.920 сўм пеня ундириш тўғрисидаги даъво аризаси бўйича ишни очиқ суд мажлисида иш ҳужжатлари билан биргаликда кўриб чиқиб, қуйидагилар

## АНИКЛАНДИ:

Хива туман фермер деҳқон ҳўжаликлари ва томорқа ер эгаллари Кенгашининг даъвогар — Хива туман "Хива Абдрим Собиров" фермер ҳўжалиги манфаатида, жавобгар — "KHIVA CLAUSTER" маъсулияти чекланган жамияти ҳисобидан 316 470 712 сўм асосий қарз, 75.952.920 сўм пеня ундиришни сўраган.

Суд мажлиси куни ва жойи хакида лозим даражада хабардор килинган давъвогар ва жавобгар вакиллари суд мажлисига узрли сабабларсиз келишмади.

Суд иш хужжатларини ўрганиб чиқиб, қуйидагиларга кўра даъвони кўрмасдан қолдиришни лозим топади.

Иш хужжатларидан кўринишича, даъвогарнинг даъво аризаси суднинг 2024 йил 26 апрелдаги ажрими билан иш юритишга қабул қилинган ва ишни кўриш 2024 йил 16 май куни соат 14:45 га Боғот туманлараро иқтисодий суди биносида кўриб чиқиш учун тайинланган.

Суднинг ажрими тарафларга 2024 йил 01 майдаги топширилганлиги маълум килинадиган буюртма хат билан юборилган ва алока хизматининг хабарномаси (почтовое уведовление)га кўра даъвогарга жорий йилнинг 05 май куни топширилган.

Ўзбекистон Республикаси Иқтисодий процессуал кодексининг (бундан буён матнда ИПК деб юритилади) 170-моддасига кўра, иш мухокамасининг вақти ва жойи тўғрисида тегишли тарзда хабардор қилинган даъвогар суд мажлисига келмаса, даъвогарнинг ишни унинг йўқлигида кўриш тўғрисидаги аризаси бўлган тақдирда, низо унинг йўқлигида ҳал қилиниши мумкин.

ИПКнинг 107-моддаси 6-бандига кўра, даъвогар биринчи суд мажлисига келмаган ва ишни ўзининг иштирокисиз кўрилиши тўғрисида арз қилмаган бўлса, суд даъвони кўрмасдан қолдиради.

Бугунги суд мажлисига даъвогар вакили келмади ва иш хужжатларида даъвогарнинг ишни унинг иштирокисиз кўриш тўғрисидаги аризаси мавжуд эмас.

Шу сабабли суд, юқоридаги ҳуқуқ нормаларини қўллаган ҳолда даъвогарнинг даъво талабини кўрмасдан қолдиришни лозим топади.

Ўзбекистон Республикасининг қонунлари ва бошқа норматив-ҳуқуқий ҳужжатлари Ўзбекистон Республикасининг Конституцияси асосида ва уни ижро этиш юзасидан қабул қилинади. Бирорта қонун ёки бошқа норматив-ҳуқуқий ҳужжат Конституциянинг принцип ва нормаларига зид бўлиши мумкин эмас.

Ўзбекистон Республикаси "Давлат божи тўғрисида"ги қонунининг 9-моддаси 1-қисм 18-бандига асосан Ўзбекистон фермер, деҳқон ҳўжаликлари ва томорқа ер эгалари кенгаши, Қорақалпоғистон Республикаси, вилоятлар ва туманлар фермер, деҳқон ҳўжаликлари ва томорқа ер эгалари кенгашлари — фермер, деҳқон ҳўжаликлари ва томорқа ер эгалари манфаатини кўзлаб иқтисодий судга аризалар берганлик учун давлат божи тўлашдан озод қилинган.

Қайд этилганларга кўра, суд даъвони кўрмасдан қолдиришни, даъвогар (томонидан тўланган почта харажати)ни даъвогарнинг зиммасида қолдиришни, даъвогар давлат божи тўлашдан озод этилганлиги боис ундан давлат божи ундирмасликни лозим топади.

Юқоридагиларга асосан, Ўзбекистон Республикаси Солиқ кодексининг 330-моддаси 12-банди, Ўзбекистон Республикаси Иқтисодий процессуал кодексининг 107-моддаси 6-банди, 170, 195 ва 196 -моддаларини қўллаб, суд

## АЖРИМ КИЛДИ:

Хива туман фермер, деҳқон ҳужаликлари ва томорқа ер эгаллари Кенгаши даъвогар Хива туман "Хива Абдрим Собиров" фермер ҳужалиги манфаатида берган даъво аризаси қурмасдан қолдирилсин.

Хива туман фермер, деҳқон хўжаликлари ва томорқа ер эгаллари Кенгаши томонидан олдиндан тўлаб чикилган почта харажати ўз зиммасига қолдирилсин

Ажрим нусхаси тарафларга юборилсин.

Мазкур ажримдан норози тараф бир ой муддат ичида апелляция тартибида шикоят қилиш (протест келтириш) мумкин.

Судья

А.Турақулов

